


# Selected Scriptures in Yipma/Wagamwa



Selected Scriptures in the Wagamwa dialect of the Yipma language (parts of John, 1 John, Romans, and Hebrews).

**Selected Scriptures in Yipma/Wagamwa  
Selected Scriptures in the Wagamwa dialect of the Yipma language (parts of John, 1  
John, Romans, and Hebrews).**

**Sampela hop long Nupela Testamen long tokples Ylipma Wagamwa long Niugini**  
copyright © 2011 Wycliffe Bible Translators, Inc.

Language: Yipma/Wagamwa (Yipma)

Dialect: Wagamwa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 21 Feb 2024 from source files dated 31 Aug 2023  
83ddbd8-cd0d-50af-8313-6fdd3ace43da

## Contents

Soni . . . . .	1
Romi . . . . .	5
Yibiru . . . . .	9
1 Soni . . . . .	11
Godiyai . . . . .	13

## Yagaala Tewaanya' Sonî yidabagesi.

*Godiyarîne Yagaalyai (Jisaasi) mwaarigerinesi.*

<sup>1</sup> Sinyamwînyagaa' kigaakuna Kwaaga taba' myîma'nyamwî Godiyarîne Yagaalyai mwaryaagemwînyî. Nabaai, Godiyai mwaaragemwî kamînyîmwî Godiyarîne Yagaalyai mwaari'. Gotiyarîne Yagaalyai sagwai Godiyai.

<sup>2</sup> Sinyamwînyagaa' kunegaa' aayamwîdaa'nyî Godiyalyî sagwai mwaribainyîna yaagelyî. <sup>3</sup> Godiyai sara kyabwîra' sagwai wîyangî sara wagagei. Aane pîrî' kîrî' kamî saba yîma'naga' mi'. Aawa, sagwai wagagengî wîya sa. <sup>4</sup> Sinyamwî sagaa' sagwari kaalyabwi waragelyî. Kaala sabwi a'mwe wîyaraabire Paagelyi. Yiniga sai a'mweinaabîna kunya tewaanya yabwîrya'ne nejaabinigerina. Kunya tewaanya yabwîrya'ne wijaabîna kaneya' paaga sabî nabyaa mwaindaanyaine. (Godiyarîna nabyaa yabwîtaanyaine.) <sup>5</sup> Saburidaa'nyî siginya kayaa'nayaburi Godiyare paage' wanniyîna. Nabaai siginya sa' paagebi mwabilayinigesi.

<sup>6</sup> Godiyai yabwî'na "A'mwera paagebi mwaaimbîga!" yabwîraga sinyamwî a'mwerî widaasagelyî. Sai Sonî (pabitaa jîya yandei) widaasagelyî. <sup>7</sup> A'mwe sagwai saliguragyî'nei pîna. "A'mweraabi a'mwengî Jisaasi Paagerîna wîjâliguraganâ!" taga widaasagei pîna. "Kadîga wi'napijî Naangerî limwagapiga!" tagei pîna. <sup>8</sup> Sonî kamî sai Paagei mi'ka! Aawa. "Paaga nabwî'nya sarina saliguraganâ!" tagelyira. <sup>9</sup> Tibi Paagei Kwaaga tabagi waraabaga a'mwe kajainajainaabîna Paaga nebulya'nanyalyî. A'mwe wîyainaabî kunya tewaanya yabwîrya'ne nejaabandei.

<sup>10</sup> Nabaai, Kwaaga tabagi sai pamwaaina ya'. Sinyamwî Godiyai kyabwîra' sagwai Kwaaga taba' sara wagîna. Sara wagîna yaga pamwaaina kya' kîrî' Kwaaga Tabagi mwaaryara kamî sagwari myabwîramaaryî yesalyî. <sup>11</sup> Kamnya Anga Yîjirelinâ pîna yaga mwaaindaasi kamîjîyara mamaaryî. <sup>12</sup> Sara yîna yeba mamaaryî kye' kîrî' a'mwera pwara "Nebulyasîra. Naangelyîra," teba maarîna ye'. Maarîna kye' sai wîya saraabi kamnya tiraginyabwi wijaabîna ya'. Kamnya tiraginya sabwi sagwara Godiyale kwaimîraayara yîma'nyî'nebulyî. Kami sagwarinajî kamire yebabinajî limwagatibisaraabinebulyi. Yi sagwara mudigera yîma'nyina ye'. <sup>13</sup> A'mweraabire yijabagaabidaa'nyî tawengina mudigera myîma'nyina. Aawa. Kiraagejîgiya sindujaburi mudigera myîma'nyina. Aawa. A'mweraabire tiraginyabi mudigera myîma'nyina. Aawa. Godiyai kebwi yabwî'na "Sagwara nimîre kwaimîraayara mudigeraabi yawaginîma!" kada' yîma'nigabinigengi.

<sup>14</sup> Godiyarîne Yagaalyai a'mwe kira'a'nagei yîma'nyîna yagei nemînyîmwî kamnya seli ange' yîradaakuna. Kamire kiraagejîgi wiramwaaina yîna yandaasi tinya tara wangano' "O, Nabwî'nyai tiraginaangei taaga!" Sara tandaa kamire paagebi tinya wangano. Kanimaangerîdaa'nyai kambei yamînarîgabaaimbita paaga sasi. Sagwari yuneba yanga kaimwangebuliyî nebulyabulyî maanga yegu'nigelyî.

<sup>15</sup> A'mwe Sonî kamînyîna nejaliguraganda saga tara tanganna "A'mwe tajarîna yinggaidelyî. Ni'mi Godiyale yagaala kyînggidimwa tîbiya pwai pojî yînggidibwaagadei Naangelyî. Ni'mi sagwainyî migâ! Ni'mi maarigeinyîra/wabeinyîra. Ni'mi myîma'nyagaa' kuna mwaryaage'na Sinyamwînyalyî.

<sup>16</sup> Sagwai maanga yegu'nigebidaa'nyi nemi wiyainaabina wana nabwi'nya nejaabande'na tewaanna mwaago. Neminyi kamire yanga kaimwang-gaimwange' nejaabanda nejaabinigelyi. <sup>17</sup> Sare' Godiyai kuja'a' Ne Moji'i Godiyale Kimwinya tewaanya' wijaabina. Wijaabina neyinige' neminyimwi Godiyai Kiraajitiya Jisaasiri widasaabina. Widasaabina kyini' sagwari neminyina yanga kaimwangebuliyi nebulyabulyi yima'ninige'nanyi.

<sup>18</sup> Godiyari a'mwe Kwaaga tabagiyaina wangandaanyarina mi'. Aane pwai kwai tinya mwanganyi. Aawa. Godiyai, kambei kanimaangeryaba kusimaginna mwaarigei neminyi yibwaridaakwia neyigelyi.

### *Jisaasi neminyinneba paragarinesi.*

<sup>29</sup> Mwanyigaa' Soni mwaaraga Jisaasi pageri tinya wanganasina yaga a'mweraabi widina "Yidaanyi! Tajai Godiyalei Sipijipiya timwinyara! Kayaa'nayanna a'mwera sipijipiyyari lamina yandibi' kwaraanyaba Godiyarina tiga nasi'na yandebaaimbi' sai Kwaagebagi mwaaryainaabire kayaa'nayanna marasisa'na paradelyi. <sup>30</sup> Sagwarina yinggidandinyalyi. "Nimi pimeinyi, tibi a'mwei padelyi. Nimi myima'nyagaa' sai kuna mwaaryaagalyi. Sai sinyamwinyai Naangalyi. Nimi wabeinyira. <sup>31</sup> 'Pojiyai Naanga Kwarinera,' yabwirena kaminyi myabwiranganyainyi. Aawa. 'Sagwarina Yijireliyaraabi yibwaridaakwia'na yima!' tena pima. Aarya yinggyandinya (libamabandinya) sabi tara sabwiryinde' 'O, sai Naangai taaga!'"

<sup>32</sup> Soni tinya mena paiginaraga a'mwe Sudaayaraabi wijaliguragina "Sugunyabi Godiyalebadaa'nyi Kuryai Tewaanyai kwaamiryaimbisai waraabina yaga a'mwe sari mwaaribainigarri tinya wanganerinera. <sup>33</sup> Sinyamwi kaminyi myabwiranganyainyi. Aawa. Pabitaaajiya'na nyidasaabagai sagwai nyinda' 'Tibidaa'nyi tara tongandeiginyi. Kurya Tewaanyai a'mwe pwari pwaramwaaina yaja' wanganakiji tara sabwite' 'Ai, sai a'mweraabina Kurya Tewaanyari yanga wijaabadei taaga!' Kimi aaryabi pabitaaajiya' side' sai Kur-yari pabitaaajiya' yadelyi.' <sup>34</sup> Sara widina nyage' tinya nabyaa wangameinyi yinggijaliguragi baiga. Sai Godiyale Kawaaribaangalyira."

## 3

<sup>1</sup> Sudaaya pwara Perijigimwinya yandibi' mwaarina yebe pwai Nikodimaajai wo'nigai Perijiyai mwaarina yagalyi. Sai a'mwe naangai Sudaayaraabi maremwaaindei mwaaragalyi. <sup>2</sup> Mwaarina yaga sagwija piribi Jisaasiryimwi pina yaga pamwaaina yaga widina "Widibwaagyaigi/ yibwaagyaigi 'Godiayai kidasimwaabigaigi pagina widibwaagya'na neyibaigi. Sare' tare'nesi. A'mwera wijiwaainyangi yibaigi. Tiraginya yibaigi Godiyai magigaimwagyaji kwaji sara myi kyidi' tiraginya tabwi, sara yabwi'mona."

<sup>3</sup> Jisaasi sa'na widina/ma'maa'na "Naanga nebula'na kidibaiga. A'mwe pwai kwai ayagi mudigai myima'nyi yajai Godiyai maremwaaradeba tinya mwanganyi yannelyi."

<sup>4</sup> Nikodimaajai widina "A'mwe naangai mudigai yima'nya'na kadara yoji/yaji yima'nadelaga? Pigasaai a'mwei kanaangebi munyawigi ayagiiji wiraminyina kyaji kanaange' kadara maaradelaga ayagwara?"

<sup>5</sup> Sai sa'na widina "Naanga nebula'na kidibaiga. Kurya Tewaanyai a'mwe pwari aari myi kyaji mudiga mwimwaaigy i kyaji sai Godiyale maremwaaindeba wiradei miga! <sup>6</sup> A'mweraabire kwaimiraabyai migwi'naga yaginnagalyi. Godiyalei, kamire munyawigi Kurya Tewaanyai puramwaaina kyaji sai a'mwe Godiyale Kuryai kininnagalyi mudigai.

<sup>7</sup> Kidime'na "Semi mudiga ayagi sima'nyira!" kidime'na atiga maru'nata

myinnera! <sup>8</sup> Yigwija kami sa' kaanna wina yandebaaimbisasi. Yigwija' kadiga wi'nandinyaigi "Samwinna wawade' taaga? Sabadaa'nyi pade' taaga?" Tandinyaigi mi'. Aawa. Sare'na Godiyale Kurya Tewaanyai kajaijare munyawigi pwiramwaaina yinigai mudiga yima'ni'. Mudigai tewaanna yanda a'mwera tinya wangamaigya'. Kumi mwangamaigya' aaya kaabilabi.

<sup>9</sup> Nikodimaajai ma'maa'na "Nyindimaanya' kadara yima'ninigabaga?"

<sup>10</sup> Sai widina "Yijireliyainaabire nedibwaagandinyaigi sabwi myabwiramaaryiginyaigi taaga? <sup>11</sup> Naanga nebula'na kidibaigo. Nabyaa yabwiramaataanya yabwitaa yinggidibaigo. Tinya nabyaa wangandaanya yinggidibaigo. Sara yinggidibaigo'na nemire saliguragyabi mamaa'maigyasalablyira. Sabwi kadiga myibaigya sa' pe'na yibaigya'? <sup>12</sup> Kwaaga tabagi yinigangina kyinggidima malimwaga'maigya'. "Nebulasi," sara maji yimaasa' Sugunyabi yinigangina yinggidimwija' kara tilimwagyindelabiraga! <sup>13</sup> Sugunyabina yiraawagai a'mwei pwai kwai mig. Sugunyabi A'mweraabine Kwaimiraabyai mwaaraga sabidaa'nyi sai yimbei waraaba'."

<sup>14</sup> Kigaa' a'mwamaayaba Ne Mojiji kwaari'makamaala' yijabi pwiyaga widaakuna yaa'. Kamaalar'i makyiryaagabaaimb'i yijabi tamagya'na A'mweraabine Kwaimiraabyari sagibaaimbi' makyimbityira. <sup>15</sup> Sagwai "Kajaijai nyilimwagaraji kaala wiyyagaa'nebwi maarana!" kadaji sara makyimbityira. <sup>16</sup> Sare' tare'nesi. Kwaaga tabagiyainaabina Godiyale kare naanga kwia' Godiyai neminyina kawaaribaanga yimberi nejaabagalyi. "Kajaijai sagwari wilimwagaraji myiwawanna! Aawa. Kaala wiyyagaa'nebwi maarana!" taga nejaabagalyi. <sup>17</sup> Sare' tare'nanyi. Godiyai tina "Nyibwaaribaangai a'mweraabi kotiya'na maaryawiwaradelal!" majaga myasaabya'. Aawa. "Nyibwaalibaangari a'mweraabina padaigasamaaja yima!" taga kwaaga tabagi yasaabina ya' Godiyai.

<sup>18</sup> Kabwaalibaangarin limwagaja pwari Godiyai kotiya' maaryawiwbatei mi'. Malimwagyaja pwai kotiya' mena yawi'bwa'nigalyi. Godiyale Kawaaribaanga yimberina kamire yebyabinaji malimwagaryaja'na kotiya' mena tinigesi. <sup>19</sup> Kotiya'na tara tini' "Nemire kwaaga tabagi pwai nebula' nedibwaagaga'na Paagei waraabina yaga kiri' a'mwera kayaa'naya yandibisara kayaa'nayabwi siginyaburina wiwbwi'nagare. Paagerina wiwbwi'nagara mi'. Sare' tare'nesi. Kumi yandibisa kayaa'nayangira," sare'na tinigesi. <sup>20</sup> Sare' tare'nesi. Kajaijai kayaa'naya yandei Paagerina similiga wimanigai Paageryimwinna mabyi yibani'. "Paageryaba pwara nimire kayaa'nayabwi nanyangambiga!" taga mabibani'. <sup>21</sup> Sara yandaasi kiri' pwai nebula'na tewaanna yandei Paageryimwinna nabyaa pibani'. "Paageryaba kwawa'muji pwara yabwisa'na 'Godiyyari wiya sa tewaanna sibani!' " taga kaanna pibanigalyi. <sup>30</sup> (Soni libamabya yaagai wijaa.) "Kami Naangei nyabilabigalyi. Ni'mi naangeinyi myima'nimwineinyi. Ni'mi wabeinyi yima'nimideinyi," widina ya' Soni.

<sup>31</sup> Munyabadaa'nyi tiraginyai waraabagai wiyyainaabi newabilabigalyi. Kwaagebagidaa'nyi pwaina Kwaagebagiyaina kwaagebagiyabwi widina, kwaajji kwaajji yagaala widina yandaanyaine. Sugunyabidaa'nyai wiyyainaabi newabilabigalyi. <sup>32</sup> Sai Godiyaryaba tewaanyabwi tinya wanganagangi kadiga wi'nagangi sangina saliguragina. Sare saliguragina kya' kiri' aane pwai kwai kadiga wi'naga kamire yagaala' mwi'nya'. Aawa. <sup>33</sup> Pwai kamire saliguragy'a taapina yage' yi "Gotiyai nebula'nayai!" tiraginna tina ya'. <sup>34</sup> Sare' tare'nesi. Sagwari Godiyai yasaabina kya' Godiyale yagaalangji widibwaagina. Sare' tare'nesi. Godiyai sagwarina kamire Kuryari wijaabina

ya'. Godiyai kamire Kuryari wabe'na wijaabagarina mi'. Naanga wiyabwi wijaabagarina. Godiyai kamire Kuryari yinagu wijaabaga'na sai Godiyale yagaala' nayaa widina neya'. <sup>35</sup> Kawaaribaangarina Kanimaangari tewaanya wi'bunanda yiraaya yanda tiraginyaji wiyaji mwangina yanda widina "Wiya timaremwaara!" widagarina. <sup>36</sup> Kawaaribaangari nabyaalimwagatei kaala wiyagaa' wiyagaa'nebwi kininnigalyi. Kwai Kawaaribaangari malimwagaradei kaalabwi tinya mwanganyi. Aawa. Godiyari sinya simiriga wiryabwi sagwari kuna wiwarigalyi.

## 13

### *Yagaraigimwinya mudiga'nesi.*

<sup>31</sup> Sarebidaa'nyi Sudaajai ya'ma'na yagagaa' Jisaasi widina "Tagaa' Amweraabine Kwaimiraabyai paa'nigai yima'nimaga. Tagaa' kaminyina Godiyai paa'nigai yima'nimaga. <sup>32</sup> Kaminyina Godiyai paa'nigai yima'najai Amweraabine Kwaimiraabyari paa'nigari wimwaaigadelyi. Yime'nyapi' paa'nigari wimwaaigadelyi. <sup>33</sup> Nimnya kwaimiraabyalabi, tibi wabegaa'/wibegaa' seminyaba kuna mwaageinyi. Pirina yapiji kiri' Sudaayaraabi widimwatebaaimbi' tagaa' yinggidibaiga. Nimi wimwijamwi tiwindelai mi'. <sup>34</sup> Yagaraigimwinya mudiga' yinggijaabaiga. Singgya'mweraabina tewaanya yinggibu'nana! Niminyi seminyina tewaanya nyibu'nandebaaimbi' seminyi singgya'mweraaabina tewaanya yinggibu'nana! <sup>35</sup> Semi sara yinapiji saburidaa'nyi a'mwe wiyara seminyina yabwi'na 'Sagwara Jisaasilerera.' Yi seminyi wi'bunyabwi waraja' sara yabwi'na yinggyipitelabilyira."

## Romi

**16** Yo, sare' tare'nesi. Nimi yagaala tewaanyabina wagila manyibwa'nyandeinyi. Sare' tare'nesi. Yagaala tewaanya sa' kajarajara limwagapijaraabi Godiyai wibadaigasamaarya'ne sa' Godiyare tiraginiya ti'nagesi. Tiraginiya Sudaayaraabidaa'nyi nabaai Sudaayara mamwaaryigasaraabiji wibadaigasamaarya'nesi. **17** .....Sare' Godiyare pugwiyabi tara tinigabaaimb'i'nyi, "Pwai Godiyari limwagate sarerina 'Yida'maraangeri wimwaaigimwa,' tojiyai wiyagaa' kaala mwaaradelyi."

### 3

*"Wiyagaa' a'mwe aane pwai yida'maraangei mi'," tinige'nesi.*

**9** Yi kadatarebinyaga! Nemí Sudaayaina a'mwe pwaraabi wabilabaanneina tigaga! Aawa nebulysi. Sare' tare'nesi. Nemí sidasa'na tibi'na timwo "Yi wiyaina wagilyabi kwaagemwi mwaagoinera Sudaayainaji Anga Pimagine (Kirikiya) kwaraji." **10** Sabaaimbi' tara tinigesi. Godiyaryaba yida'maraanga aane pwai kwai mi'. Arigemwinyi. Aane pwai kwai mamwaaryi'.

**11** A'mwe pwai simunya wiwarigei mi'.

Godiyarina pwai piri'biryia yibanigei mi'.

**12** Yi wiyara Godiyari yagarya'ma'mwaasare.

Wiyara yiragureba waryaanyara yima'nimwaasare.

Nabwi'nyabwi yande aane pwai mi'.

Sasarei aane pwai kwai mamwaaryi'.

**13** Taarisabidaa'nyi kirebudirinyabi newinibaniga widandibisare.

Taarisasi kwaaji yagaala widandibisare.

Naawinaanyale kwaaminya' a'mweraabi tamagandebaaimbi'

Yagaala nabinabinya kayaaga yigalya'ne widandibisare.

**14** A'mweraabi kayaaga tiraginna yigalya'ne

Yagaala kayaa'nayanna paasiyagaala widandibisare.

**15** Yigwikaannagera a'mwe tamya'nera

Yarai kaanyibe'na yamaryandibisare.

**16** Kayaaga yigalagy'i'nera wina yadibi'

Taanginya kwaraarya wijaayi'nera wondibisare.

**17** Kwaamu'nanyaburine nagarya' yabwiramaatitbitara mi'.

Pwaraji abaaijimunyabwi ye'mwannamwaaindibitara mi'.

**18** "Godiayi Naangelyira," myabwiryi yandibi' Kumire tinyaraabi Godiyarine ligebwii mwaryiga.

Godiyale pukwiyabi sara tinigengira.

**19** Nabaai sara tinigenna nemí yabwi'mwo. Wiya Kimwinya tinige nemí Sudaayaina saburi talaangemwi wira'nata yigoina sara ya'ne tinigengi. Sare' kiri' Sudaayainaabina tajabwi yinggidimwebwi yiwtawagya warigesi. Sarebidaa'nyi Godiyai yawibwata'negaa' nemirebwina "Sudaayaraji maanga pipaina yipiga! Nabaai a'mwe wiyanwinyara niminyina yiwtawagya sabwi kininnagera mwaaimbi'ga!" taga Kimwinya kininnigeinaabi talaangemwi nemaarurawagageine. **20** Sare'na tarebinyi. Godiyale yawibwata'nebwina Kimwinya saburi midinyabina "A'mwe yida'maraangeiginyi. Nimireiginyi," Godiyai kiraanaga aane pwari kwari widade' mi'. Aawa. Sare' tare'nanyi. Kimwinya sabwi nemire wagila saburi yine'na neyibwaridaakwibaniigesi sagiri'na.

*A'mwei Kiraajitiyari limwagajai yida'maraangei yima'nade'nesi.*

<sup>21</sup> Nabaai tagaa' Godiyai a'mweraabi kamire yida'maraanga sabwi kaminyi yida'maraangeraabi wimwaaigya'nebwi wi'na neybwaridaakwagebulyi. Sa' kimwinyaburaabi midinya'nebidaa'nyi myima'nyagesi. Aawa. Sa' piribi yima'nagesi. Kiri' pigarigurya Kimwinyasi wi'nawidibwaagyaasaraabire tinigesi nabwi'nya yida'maraanga tajabwina salikuraginigesi. <sup>22</sup> Yi Jisaasi Kiraajitiyari limwabijaraabina Godiyai "Yida'maraangeraabi nimireraabi wimwaaigima!" tadeliyi. Yi limwabija wiyyaraabinesi. Sare' padaigasamaasabwi tare'nesi. Amwe Sudaayarebwi nabinyabwi mi'. Anga naanga pimaginya pwai kwarebwii nabinyabwi mi'. <sup>23</sup> Sare' tare'nesi. Wiya a'mwera Sudaayaraji anjimya wiyyangiyaraji wagilya'nebwi yandibisare. Godiyai paaga tiraginyasiyaryaba menyaba mwaagiasare. <sup>24</sup> Sasareraabi Godiyai yange'na tewaanna wigaimwanda Kiraajitiyai Jisaasiri kamaryasaaba' sagwai ayagi mubya yamaaryi'nei sara kya' Godiyai "A'mwe yida'maraangelalyira. Nimirelalyira," widina. Sa'na sagwara mamubyandibisare. Sa'na Kiraajitiyari sigumalesi. <sup>25</sup> Sinyamwi Gotiyai Kiraajitiyari tagilagagei paraga kamire tawe' a'mweraabire wagila sa' mumbya'ne' waraabagesi. Gotiyari a'mweraabire wagilyabwina sinya tiga wdatebulyi. Kiraajitiyari limwabijaraabina sinya tiga sabwi mumbamaaras'i'nya'nei paragelyi. Yi nabaai sasare saburi Godiyai "Nimi yida'maraangeinyi yida'na yandinyainyi," neybwaridaakwagebulyi. Sare' tarebinyi. Kigaa' Godiyai kwaamu' kabe yemwaainda a'mweraabire kayaa'nayanna yeta sabwina wanganagina. <sup>26</sup> Kiri' "Godiyai yida'maraangei miga!" nadipindiga!" taga tadagaasagaa' Godiyai "Nimi yida'maraangeinyi yida'na yandinyainyi," taga sara neybwaridaakwia'nei Kiraajitiyari maryasaabagelyi. Sasare saburi Godiyai kami sai yida'maraangerina neybwaridaakwanda yi a'mwe wiyyaraabinei Jisaasiri limwagajarina "A'mwe yida'maraangelyi. Nimirelalyira," tandelyi. Yi wiyyaraabi wilimwabijaraabi sara widandelyira.

<sup>27</sup> Sarebidaa'nyi Godiyai "Yida'maraangelalyi," nedage'na yi nagarya' a'mweraabine yebya makyirya'nebwi kaba wariga! Yi wana aawaawa. Nagarya sari' kaanya mena ligi'nigesi. Nagarya tajarigi peri' tagarigi'nari'? Godiyale Kimwinyaburi midinya sabi tigaga? Aawa. Sabina mi'. Aawa. Kiraajitiyari limwanga saburi sagiri' nagarya sarigi kalalimwamanii. <sup>28</sup> Sare' tare'nesi. Nemi tiraginna tara tandaanyi "Godiyai a'mwei Kiraajitiyari limwagajarri tibanigelyi 'A'mwe sai yida'maraangelyi. Nimirelalyira.'" A'mwe Kimwinyaburina yaamiji yune midinajarina Godiyai sara majandelyi. <sup>29</sup> A'mweraabine yebya mamakirya'ne' pibwi tariga? Tare' sabwiryila! Godiyai sai Godiyai Sudaayaraabinannei taaga! Anjimya wiyyangiyarajiyaraabine Godiyai mindaaga! Yayo! Godiyai sai anjimya wiyyangiya pwara kwaraabijinelyira. <sup>30</sup> Godiyai kambe pwaina Naangelyi. Sarebi Sudaayara kiraageji' kurya tatibisara Kiraajitiyari limwambijaraabina "Yida'maraangerera," tanda nabaai anjimya wiyyangiyara kiraageji' kurya madabyandibisara Kiraajitiyari limwambijaraabinaji abaaina tibanigelyi. <sup>31</sup> Sarebidaa'nyi limwanga tajabi yida'maraangeina yima'nandaanya'na Kimwinya sabwi tadaibaimaigona? Arigemwinyira. Aawa. Kimwinyabwi nebulya'na yida'na maridaakwia yibaigo.

<sup>1</sup> Sarebidaa'nyi yi tagaasagaa' Kiraajitiyai Jisaasiri wiramwaaigasaraabina yagaala yawibwata'ne sidata'ne mwaryi'. <sup>2</sup> Sare' tare'nesi. Kiraajitiyai Jisaasi yagebi Kuryai kaala kijaabanderebwu kayaa'nayabulyi yune naanga paryabulyi saburaai mena wila kyitalamaara'. <sup>3</sup> Yi sare' tare'nesi. A'mweraabire kiraagejigiya yabwita sabina kimwinyabwi yi'neina waryaanyaina mwaago'na Kimwinyabwi kayaa'nayaburi padaigasamaa'na myi neyannebulyira. Sara myi yande' Godiyai sara yagesi. Godiyai kamnya Kabwaalibaangeri maryasaabagelyi. Sarei a'mwe kayaa'nayaimbi' kiraan'igei yima'nagelyi. Kami a'mweraabire kayaa'naya pwaramarasi'nyi'nei waraabagelyi. Yi a'mweraabi kayaa'nayabwi wirarigeburi Godiyai sida'na kya' Kiraajitiyai a'mweraabineba kayaa'nayanne tibigita'na paragelyi. <sup>4</sup> Godiyai neminyina "Sagwara kimwinyabwi taginiga yida'maraangengi yuna yandibisaraabi wimwaaigima!" kada' sara paragelyi. Sareina a'mweraabire kiraagejigiya yabwita sabi kaanya myamarandaanyi. Aawa. Nemi Kurya Tewaanya sari kaanya yamarandaanyainaabinesi. <sup>5</sup> Sare' tare'nesi. A'mwera a'mweraabire kiraagesiyara kumire simunyangi kiraagejigiyanna yabwiririgitibisare. Nabaai Kuryaryiyara kumire simunyangi Kuryalenna yabwiririgitibisare. <sup>6</sup> Sare' tare'nesi. Kiraagejigiya simunyabi a'mwe sara yune naanga paryabwi Godiyarina kimaja yiremwaaryabwi maa'maigasare. Yi nabaai Kurya Tewaanyale simunyabi a'mwe sara kaalyasi simunya kwaamu'nayasi maa'maigasare. <sup>7</sup> Sarebi kiraagejigiya yabwita sa' simunyangi maremwaarajara Godiyale yigamaangera yima'nimwaaasare. Kiraagejigiya simunya' Gotiyarina yigamaangesi. Sare' tare'nesi. Sagiri' Godiyale Kimwinyabi wira'nate' mi'. Tare'nesi. Yi nabaai sagiri' sara yiniga yanee' mi'. <sup>8</sup> Kiraagejigiyangi mwaaindibi' a'mwe sarera Godiyari yiraaya wigarya'nera mamwaaryi yipinere.

<sup>9</sup> Semi kiraagejigiyangi mamwaaryiga'. Aawa. Godiyale Kurya Tewaanyai seminyi wirayinggimwaaindori Kurya Tewaanyari wiramwaaigasalalyi. Nabaai, yi pwai kwai Kiraajitiyale Kurya Tewaanyai maayai a'mwe sai Kiraajitiyalei mi'. <sup>10</sup> Nabaai Kiraajitiyai seminyi wirayinggimwaaarajai yi piri' taresi. Kayaa'nayabwine'na semire kiraageji' paradejigira. Yi piri' taresi. Seminyina Godiyai "Yida'maraangelai nimirelalyi," mena yinggidage'na Kuryai kaala mena yinggimwaaigagelalyi. <sup>11</sup> Godiyai Jisaasiri painigeraabyamwi yidigaabagere Kuryai seminyi wirayinggimwaaandanari Kiraajitiyai Jisaasiri paryari yidigaabagei semi parapijiyagaa' semire kiraagejigi kaala yinggiaabadelyi. Kuryai seminyi wirayinggimwaaindebi kiraagejigi kaala yinggiaabadelyi.

<sup>12</sup> Yi sarebidaa'nyi, nya'mwelai, nemi tibigita wijaabya'ne kininnageine. Tibigita sa' Kurya Tewaanyari mwaaryi'nesi. Kiraagejigiyaya yabwisiangina tibigita aawa. Nemi kiraagejigiyaya yabwisiangina mwaaryi'ne tibigita mwaryi'. <sup>13</sup> Sare' tare'nesi. Semi kiraagejigiyaya yabwisiangina mwaaimbija' yi semi yune naanga tibaryira. Kiri' Kuryale tiraginyabi semi kiraagejigiyaya yabwisa ya tamagipi'ja' yi kaala timwaaryindelalyi.

<sup>14</sup> Sare' tare'nesi. Godiyale Kurya Tewaanyai kajarajaraabi wibwaridaakwibani'gera yi sagwara Godiyale kabwaalibaangere. <sup>15</sup> Sare' tare'nesi. Semi Godiyarina liga ayagi ya'ne' karabujiwamwinyabi yinggyidiwagamaremwaara yinggyi'yande Kuryari mamaaryesalyi. Aawa. Kabwaalibaangelari yinggimwaaigaga Kuryari maaresalyi. Yi sagwari, nemi Godiyari saga tandaanyi "Tataala! Nimwala!" <sup>16</sup> Kuryai kami sagwai nemire kuryaraji nemi Kiraajitiyari limwandaanyainaabina tara saligurakibani'

“Gotiyale kwaimiraayalalyira.” <sup>17</sup> Nabaai Godiyale kwaimiraaya ina mwaraja' Nimwai sare wiya tewaanya maraadeinera. Pi'i' taresi. Godiyale wiya tewaanya maraadeinera. Pi'i' taresi. “Kiraajitiyalyi paaga tiraginya' maraana!” tawaaji Kiraajitiyalyi taanginya ye'mwannamaraaja' Kiraajitiyai wiya tewaanya maarade ye'mwannamaraadeinera.

## Pigariigurya' Yibiruyaraabinesi

### *Kamire Kabwaalibaangei tagebi Godiyai nedage'nesi.*

<sup>1</sup> Kigaakuna kwala naangegaa' Godiyai kaminyi wi'nawidibwaagyaraabi simunya pininna piri' widina, pininna piri' widina. Yi sara kujaa' sagwara nemire Ne sinyamwinyaraabi simunya nabinabinya pibura wijaasara kwaraaryare. <sup>2</sup> Kiri' nabaai tagaa' aayagasa Godiyai yagaala nedage' kamire Kabwaalibaangei nedagesi. Sagwari Kanimaangele wiya maaryi'neri Godiyai mena tagilakagelyi. Nabaai Kabwaalibaanga sagwari Kwaaga tasi sugunya kirisi Godiyai yabigaryaagengi. <sup>3</sup> Kabwaalibaangei sagwai Godiyale paaga tiraginyabi libamwaja naangelyi. Yi neminyi Paaga naanga nemwadandelyi. Sagwai Godiyari abaaina nebulya'nayalyi. Kamire yagaala tiraginya kininnige' tanda wiyangi tiraginya yibaimwanda wiya sarengi limwagatelyi. Kayaa'nayangine tibikisa tuimwagasita yi'ne' sagwai wamwinya yunebanna yi'mwannaga Kingiya Naangei munya kepeba mwaarigele aangajimagi tiraginnigeba mwaara'.

### *Godiye Kabwaalibaangei enjeliyara mamaayaraabi wabilabigerinesi.*

<sup>4</sup> Kabwaalibaangei Kanimaangeri yebya tewaanya nawi'nyaange' mena maarage' yi mamaayaraabire yebyabi wabilabagabaaimb'i yi sasare sagiribi kam'i sai mamaayaraabina naanga nebulya'na yima'nagelyi. Yi sagwara sari kwaagemwi wira'nagasalyi. <sup>5</sup> Sare' tarebinyi. Sinyamwi sagaa' Godiyai mamaayarajiy'a aane pwai kwari tara mwija'

“Kimi niminyi nyimbwaalibaangeiginyira.

Tagaa' kimaamaangeinyi kimwaaigimweiginyi.”

Kiri' Kabwaalibaangeri sara wida'. Yi sagwai mamaayarina ayagi mwija'

“Kaminyi kanimaangeinyi yima'ni'mideinyi.

Niminyi nyimbwaalibaangei yima'nadelyi.”

<sup>6</sup> Kiri' Kwaagebagi mwaaryaraabyimwinna sagwai kamire aaya mudigwaimiraabyari makwaraabagegaa' sarei ta' “Mamaaya wiya Godiyainyirera sagwari yiraaya nabysa maripiga!” <sup>7</sup> Nabaai sagwai mamaayaraabina tara ta'

“Kamire mamaayaraabi yigwijapisaraabi wimwaaigandere.

Kamire widaayandibisaraabi titarisapisaraabi wimwaaigandere.

<sup>8</sup> Kiri' Kabwaalibaangerina tara ta'

“Godiyaigi, wiyyagaa' wiyyagaa'ne kinginamwaaryisabi timaremwaaidieginyi.

Kimire a'mweraabi kingiyisaris'i yida'nanyabwina yawibwaramaremwaaindinyaiginyi.

<sup>9</sup> Kiminyi yida'maraanga sabwina tewaanya kibu'nandeieginyi.

Kimwinyang'i kalajegibaryabwina simliga kwimwaarigeieginyi.

Midininyabidaa'nyi Godiyainy'i kimire Godiyainy'i yireweloya' kidingeieginyi.

Yi weliya taja' kiminyi yiraaya kyigalageieginyi.

Sa'mwera yibaiginyabaaimbi' yiraaya yibaigatara mi'.”

<sup>10</sup> Nabaai Kabwaalibaangerina tara ta'

“Naangeigi sinyamwi Kwaaga tada' wagyaanyaiginyi.

Nabaai sugunya' kimnya ajiraalyi yabigaryaanyaiginyi.

<sup>11</sup> Wiyabaai yinagu kayaaga yinyina yadebaalyi.

Kiri' kimi aawa. Wiyyagaa' mwaaindinyaiginyi.

Wiyabaalyi wiya piniji aya yima'nadengi.

Paaji'ma'nya piri' aya yima'nyina yadebaaimbisangi.

<sup>12</sup> Yi yibija aya' ki'mwagakina yadebaaimbi'

Kimi wiya sangi tigi'mwagakideiginyi.  
 A'mwei paaji'ma'nya yadaigamaa'na yandebaaimbi'  
 Kimi wiya sangi yadaigamaata sidengi.  
 Kiri' kimi yuna sana timwaaindeiginyi.  
 Kimire kwaramegaa' wi'na yiawade mi'."

<sup>13</sup> Pigaa' kigaa' Godiyai mamaaya tarajiya pewari widagelaga!. Aawa. Kab-waalibaangerina tara tini'

"Kimi nimire aangasiri tiraginyaba timwaara!

Kiminyi talaangemwi wira'narya'negaa'na yigamaangeraabi kwagimiidegaa'nayi."

<sup>14</sup> Aawa. Mamaayara yi sagwara kuryarer. Yi kurya sagwara Godiyari widaayandibisare. Godiyai a'mwera kamire yuna padaigasamaaryi'neraabina kaimwagya'ne mamaayaraabi maryasandere.

## Pigariguri Mud'i'naya' Yidabagasi.

### Kaalaburi Aaya Kaabilai, Godiyale Yagaalarinesi.

<sup>1</sup> Tarei sinyamwi/ sinyimwi kigaakuna Kwaaga taba' myima'nyamwi aayamwidaa'nyi mwaryaagarinesi. Sareri Nedasaabandeina wimidinoi kadiga wi'norina. Sareri nemire tinya wanganorina. Sareri yabwiranganorina. Sareri nemire aja mwanganorina. Sagwai Godiyale Yagaalai wiyagaa' wiyagaa'ne kaalaburi aaya kaabilarinesi. <sup>2</sup> Kaalaburi aaya kaabila tajagwai ku'maayabanna yima'naabina kya' nemi tinya wanganorina. Tinya wangano'na nabyaa saliguraganda yinggidandaanyi. Wiyagaa' wiyagaa'ne kaalaburi aaya kaabilai kigaakuna Nimwaryi ye'mwannamwaaryaagalyi. Sare sai ku'maayaba neyijiwaainadaa'nyi sari tinya wanganorina. <sup>3</sup> Sagwari tinya wanganona kadiga wi'no saria seminyiji yinggidibaigo. "Nemiji abaaiejimunya ye'mwannamwaaraana!" tona yinggidibaigo. Yibaai nemire ye'mwannamwaarya' taresi. Nimwaryi kamire Kawaari' Jisaasi Kiraajitiyaryi abaaiejimunya ye'mwannamwaigoinera. <sup>4</sup> "Abaaiejimunya ye'mwannamwaarya'nebina yiraaya naanga yinebanna newarana!" tona yagaala taja' yida'maigo.

### Godiyai Paagerinesi.

<sup>5</sup> Yagaala ta' Kiraajitiyai kaneda' kadiga wi'nona yinggidibaigo. Sa' taresi. Godiyai paagebi aaya kaabilalyi. Sagwari siginya wabe aane piri' kiri' mwiwarigalyi. <sup>6</sup> Sare'na siginyabi kayaa'na mwaaindaa kwaaji taaja' "Sagwaryi abaaiejimunya ye'mwannamwaageinyi," kwaaji yagaala tandaa yagaala nebwina sa'neburi myibaigo. <sup>7</sup> Aawa. Paagebi tewaanna mwaaindebaimb'i paagebi tewaanna mwaaraaja'na Kiraajitiyale pwaraji abaaiejimunya se'mwannamwaago. Yibaai tewaanna mwaaraaja'na Godiyale Kawaaribaangai Jisaasile tawebi nemire kayaa'naya wiyabwi nemaarasi'nanda tawe sagiri' kiriga neduimwagasi'nade'nanyi.

<sup>8</sup> Nem i tinityina "Nimi kayaa'nayabwi kuneinyira," tinaaja' simunyangi kwaaji yabwitaanyainera. Sarebi nebula' nemire simunyangi wiranewate' mi'. <sup>9</sup> Nemire kayaa'nayanna saliguraginaaja' Godiyai "Kumire kayaa'naya maarasi'nima! Kumire kirigisa'naya wiya, yi yida'maraangabwi maaya wiyaburi tuimwagasi'nima!" taji "Kayaa'naya maarasi'nimideinyi," tiniga'na nabyaa limwannigai, yida'maraangai mwaarigai sara yadelyi. <sup>10</sup> Yibaai Godiyai neda' "Wiyalabi kayaa'naya yegasalabilyira." Sarebidaa'nyi nemi "Kayaa'naya myigeinyi," tinaaja' Godiyarina tina "Sagwai kwaaji yagaala tandelyi." Nem kwaaji sara taaja' kamire yagaala' nemire simunyabi wiranewate' mi'.

## 2

<sup>1</sup> Nimire kwaimiraabya wabelabi, yagaala taja' pigariguri yinggidawasibaiga. Sem i kayaa'naya myipine'na "Widibwaagima!" tena yinggidawasibaiga. Sare' kiri' a'mwe pwai kwai kayaa'naya yaja' neminyine kayaa'nayanna Nimwari marewidandei mwaari'. Sagwai Jisaasi Kiraajitiyai yinda'maraangalyi. <sup>2</sup> Sarei nemire kayaa'nayanna Godiyari sinya simiriga widebwi mubamaarasini'nei paragalyi. Nemirennna yimbenna mi'. Aawa. Kwaaga wiya tabagiyara anjimyaraabine kayaa'nayannanyira.

**3***Godiyale kwaimiraabyainaabinesi.*

<sup>1</sup> Yidaanyi! Nimwai neminyine kare naanga wimagelyi. “‘Nimire kwaimiraabyara,’ dima!” taga Kiraajitiyari limwandaanyainaabina kare naanga windene. “Godiyainyire kwaimiraabyarera,” tage’ nebulasi. Kamire kwaimiraabyainera. A’mwe Kwaagebagiyabwinera Kiraajitiyarina myabwiresabina “Kamire kwaimiraabyarera,” maneyabwiribaigya’. <sup>2</sup> Nyibu’nandelabi, tagaa’ nemi Godiyale kwaimiraabyaine. Tibi nemi pewarabisaina yima’nabaadeinaabaga? Sabi myabwiranganyaine. Kiri’ nemi tara yabwi’mago. Tibi sagaa’ Kiraajitiyai ku’maayaba yima’naabadeegaa’ kamisagwaimbi’ yima’naadeine. <sup>3</sup> Yibaa sai tewaanyai kirigisa’naya kunei mwaarigabaaimbi’ a’mwe kajaijai sagwarina sara yemwaarigai Kiraajitiyarina tewaanyai yima’nibanigalyi.

**5***Jisaasi Kiraajitiyarina saliguragya’nebwinesi.*

<sup>6</sup> Tajagwai Jisaasi Kiraajitiyai aaryabi libamabya yabinesi kamire tawe’ waraabaga paragabinesi Sugunyabidaa’nyai waraabaga’nanyi. Yine aari libamabya sabwinebina waraabagai mi’. Aawa. Aaryabinebwinaji tawebinebwinaji waraabagalyi. Kuryai nebulabi aaya kaabilarine’na Kurya sagwai yagaala sa’na saliguragadelyi. <sup>7</sup> Saliguragya tabaai tasa warigannanyi. <sup>8</sup> Yi pwai Kuryai, yi piri’ aarya’, yi piri’ tawe’. Tabaai tata sa yagaala yimbe piri’naya’ salikuragandesi. Saliguragya sa’ taresi. Jisaasi Godiyale Kawaaribaangalyi. <sup>9</sup> A’mwera saliguragipija’ “Nebulasi,” tandaanyi. Yidaanyi! Godiyai saliguragya’ a’mweraabirebi wiwabilabigasi. Sarebidaa’nyi Kawaaribaangarina Godiyai nejaliguragande’ nebulasi. Godiyale saliguragya tare’nanyi. Jisaasi Nyibwaaribaangalyi. <sup>10</sup> Godiyale Kawaaribaangari limwandei kamire simunyabi saliguragya sa’ wiwarigalyi. Godiyarine’ malimwagandei tandelyi “Godiyai kwaaji yagaala tandelyi.” Godiyai Kawaaribaangarina “Niminyidaa’nyalyi,” saliguragya’ malimwagande’na tandelyi “Kwaaji yagaala tandelyi.” <sup>11</sup> Saliguragya taresi. Godiyai wiyagaa’ wiyagaa’ne kaala’nebwi nejaabagasi. Kaala’ne saburi kaabila’ Kawaaribaangari wirawiwariga. <sup>12</sup> Sarebidaa’nyi Kawaaribaangei kininnigei kaalya’ne sabwi kininnigelyi. Godiyale Kawaaribaangai maayai kaala’ne sabwi maayalyi.

<sup>13</sup> Yagaala taja yinggidawasimaaba. Godiyale Kawaaribaangari limwandibisalabi, “Wiyagaa’ wiyagaa’ne kaala’ne sabwi kininnigeine,’ tipiga!” tena yinggidawasimaaba.

## Godiyai

Mudi'na Yamaaja 1:1 Kunegaa' Godiyai mwaryaa'. Sinyamwinyaagaa' wiya wagyaa'.

Soni 1:18 – Godiyari a'mwe Kwaaga tabagiyaina wangandaanyarina mi'.

1 Soni 4:12 – Godiyari tinya wangandei a'mwei aane pwai kwai mi'.

Ayagi Maaryabi 33:20 Godiyai wida' "Nimire sinya' tinya manyangandinneiginyira." (Baaruya Yabandaigasamaata 33:20)

Soni 17:3 – Godiyai nebulyalyira, Nawi'nya kambelyira.

*Godiyai A'mweimbi' (simunnagei, kare wiandebulyiyai, yabwitei)*

Seramaayai 10:10 Naangei Godiya nebulyalyi. Sagwai Godiyai mwaaindelyi.

Apojeliyara 14:15 Godiya nebulyai wiyagaa' wiyagaa' mwaaindelyi.

1 Tejalonaaiga 1:9 Godiya nebulyai wiyagaa' kaala mwaaindei.

Yiredaaja 94:11 Naangei wiyainaabire simunyangi mena wanganigelyi.

*Godiyai Kuryalyi (kilaaga maayai)*

Soni 4:24 Godiyai Kuryalyi. A'mwei migo.

1 Timoti 1:17 Kingiyai wiyagasa maremwaaindelyi. Sagwai wiyagaa'nei mabalyandelyi. Sagwari tinya mwanganyandaanyalyi. Sagwai kambe pwainanyai Godiyalyi.

1 Timoti 6:16 Mabaryi yi'ne aaya kaabilyai kambelyi. Sagwai paaga naangeba mwaari'. Sagwari wangandei a'mwe aane pwai kwai mi'.

*Godiyai kambelyi*

Pigasaarine Kimwinya 6:4 Naangei nemire Godiyai Naanga kambelyi.

Aajaayai 44:6 Sinyamwinyaainyi. Aaya tibineinyi. Ni'mi Godiya kambeinyi.

Pwai aawano.